

p. 46 : -2【妄性元空】《楞嚴經》卷 7：云何名為眾生顛倒？迷本圓明，是生虛妄，妄性無體，非有所依。…熏以成業，同業相感，因有感業，相滅相生，由是故有眾生顛倒。(T19, p. 138, b)《楞嚴經正脈疏》卷 7：「妄業不能虧曰本圓。妄惑不能蔽曰本明。此本圓明。即不變之性體。眾生特為迷此不變之性。故生虛妄惑業。而追窮妄性。了無實體。亦無依據。總言真不變而妄本空也。」(X12, p. 395, c8-11)又，《楞嚴經》卷 4：譬如虛空，體非群相，而不拒彼諸相發揮。日照則明、雲屯則暗、風搖則動、霽澄則清；觀相元妄，觀性元真，真妙覺明亦復如是；汝以空明則有空現，地水火風各各發明，則各各現；若俱發明，則有俱現。富樓那！汝以色空相傾相奪於如來藏，而如來藏隨為色空，周遍法界，是故於中，風動、空澄、日明、雲暗；眾生迷悶，背覺合塵，故發塵勞有世間相；我以妙明不滅不生合如來藏，而如來藏唯妙覺明，圓照法界。(T19, p. 120, c)《楞嚴經正脈疏》卷 4：「此中翻眾生之迷心。成諸佛之智境。全顯修成之意。蓋眾生性雖本有。若不依悟加修。但發塵勞。而無量自在無礙妙用皆不能發。故圓乘悟前。雖重本有。而悟後須重修成也。」(X12, p. 291, b5-8)

p. 51 : -1【生界佛界緣起轉變】《淨土生無生論會集》卷 1：「一真法界性。不變能隨緣。三身及四土。悉由心變造。

一真法界性。不變能隨緣者。謂一念心性之體。雖不變。而用能隨緣。譬如虛空。雖非羣相。而不拒彼諸相發揮。暗相發揮。喻九界緣起。明相發揮。喻佛界緣起。雖然發揮。虛空常自不變。雖然不變。不拒發揮。故曰正隨緣而常不變。正不變而常隨緣也。」(X61, p. 885, c4-9) 德清《華嚴綱要》卷 37〈十地品第二十六〉：「此經以法界緣起為宗。所言緣起。不出十法界理事因果。然此因果亦唯依一心十二因緣逆順轉變。是知全經旨趣皆緣起之法。」(X08, p. 797, b17-19)

p. 52 : -4【以法界心念法界佛】《觀無量壽佛經疏妙宗鈔》卷 1：「須知依正同居一心。心性遍周。無法不造。無法不具。若一毫法從心外生。則不名為大乘觀也。行者應知。據乎心性觀彼依正。依正可彰。託彼依正觀於心性。心性易發。所言心性具一切法、造一切法者。實無能具所具。能造所造。即心是法。即法是心。能造因緣及所造法。皆悉當處全是心性。是故今觀。若依若正。乃法界心觀法界境。生於法界依正色心。是則名為唯依唯正、唯色唯心、唯觀唯境。」(T37, p. 195, b9-17) 古德《阿彌陀經疏鈔演義》卷 1：「觀

即念。念即觀者。觀乃注想一境。念乃明記不忘。則觀念似別。然觀曰心觀。念曰心念。則同宗一心。彼則以法界心觀法境界。此則以法界心念法界佛。毫無差別。故言即也。」(X22, p. 725, b10-13)

p. 55 : 3【楞伽經】《楞伽阿跋多羅寶經》卷 2〈一切佛語心品〉：「佛告大慧：『前聖所知，轉相傳授。妄想無性，菩薩摩訶薩，獨一靜處，自覺觀察，不由於他，離見妄想，上上昇進，入如來地，是名自覺聖智相。』」(T16, p. 497, b2-5)《楞伽阿跋多羅寶經註解》卷 2：「前聖所知。即自證聖智行相及一乘行相。謂過去諸佛無不從此二種行門成等正覺。以其遞相傳授。正所謂佛佛授受。祖祖承承者也。此乃總答前請。妄想無性下。別答自覺聖智行相。諸法本來寂滅。凡愚不覺生妄分別。而說妄法本無自性。然欲進修妙行。必於靜處以自觀察。觀之不已。則諸妄想不離而離。漸歷諸地。入於如來境界。所謂自覺聖智自然究竟矣。」(T39, p. 384, c18-26)

p. 55 : 3【觀無念】《大乘起信論》卷 1：「所謂心性不生不滅，一切諸法唯依妄念而有差別，若離妄念，則無一切境界之相。是故一切法從本已來，離言說相、離名字相、離心緣相，畢竟平等、無有變異、不可破壞。唯是一心，故名真如，以一切言說假名無實，但隨妄念不可得故。」(T32, p. 576, a8-14)「覺心初起，心無初相，以遠離微細念故，得見心性，心即常住，名究竟覺。是故修多羅說：『若有眾生能觀無念者，則為向佛智故。』又心起者，無有初相可知，而言知初相者，即謂無念。是故一切眾生不名為覺，以從本來，念念相續，未曾離念故，說無始無明。若得無念者，則知心相生住異滅。」(T32, p. 576, b24-c2)「一切法皆從心起、妄念而生，一切分別即分別自心，心不見心，無相可得。當知世間一切境界，皆依眾生無明妄心而得住持，是故一切法，如鏡中像無體可得。」(T32, p. 577, b18-21)《大乘起信論義記》卷 2：「在因地時。雖未離念。能觀如此無念道理。說此能觀為向佛智。以是證知佛地無念。此是舉因望果說也。」(T44, p. 258, c23-26)德清《起信論直解》卷 1：「此證明無念為成佛之捷要也。意謂不但菩薩修斷。以至無念。名為究竟。即凡諸眾生。二六時中。苟能觀察無念者。則念念向佛智矣。成佛之要。無踰此者。故特揭示於此。」(X45, p. 492, a11-14)

p. 55 : 4【華嚴合論】《新華嚴經論》卷 1：「有作之法難成隨緣。無作易辦。作者勞而無功。不作隨緣自就。無功之功。功不虛棄。有功之功。功皆無常。多劫積修終歸敗壞。不如一念緣起無生。超彼三乘權學等見。」(T36, p. 724, a21-25)

p. 58 : 2【雲棲大師】《雲棲法彙（選錄）》卷 21：「答朱白民居士 問：參禪念佛可用融通否？答：若然是兩物。用得融通著。」(J33, p. 143, b17-19)《淨土聖賢錄》卷 8：「朱鷺。字白民。吳江諸生也。少有俊才。親亡。棄諸生。學長生術。已而參雲棲宏公。探求法要。宏公化去。鷺因禮塔作偈曰：我昔初謁師。問參禪念佛。可用融通得。師答隨口出。若然是兩物。用得融通著。快哉此一語。令人心膽悅。時時舉向人。諸方徧傳說。念佛人無盡。是指亦無盡。靈山會未散。蓮池舌長活。短偈作供養。合掌無縫塔。與王在公同遊徑山。闢一軒居之。閱般若經。晚居蘇州蓮華峯下。偕山僧修念佛三昧。自號西空居士。年八十。作辭世偈。沐浴更衣而逝(雲棲法彙吳江志憨山夢遊集)。」(X78, p. 299, c20-p. 300, a5)

p. 58 : -5【循業發現】《楞嚴經》卷 3：「如來藏中，性色真空，性空真色，清淨本然，周徧法界；隨眾生心，應所知量，循業發現。……如來藏中，性火真空，性空真火，清淨本然，周徧法界；隨眾生心，應所知量。阿難當知！世人一處執鏡，一處火生，遍法界執，滿世間起，起遍世間，寧有方所；循業發現。世間無知，惑為因緣及自然性，皆是識心分別計度，但有言說，都無實義。」(T19, p. 117, c8-p. 118, a2)《楞嚴經正脈疏》卷 3：「此之四字。雙具兩種不自在意：一者世出世間一切淨妙之色。若不循彼種種淨業。雖欲發現。不可得也。二者三塗四惡一切苦穢之色。若不戒彼種種染業。雖欲不發現。不可得也。蓋不戒即是循也。故此四字。非但只表不循業則不得發現。兼表循業則不得不發現。而二俱無自由分矣。然此四字。正是致下二惑之由。故分屬下文。良以業之起也。似有由藉。故世間淺智眾生。執此生起之近由。而遂惑為因緣性。曾不達圓融不變之體。周徧法界。何所藉於因緣。業之成也。似難改移。故世間無智眾生。執此難改之現量。而遂惑為自然性。曾不達無限隨緣之用。隨心應量。何得泥於自然。是皆為一循業之所惑耳。向使只隨心應量。而不必循業。則眾生皆應達唯心之旨。而不至種種惑矣。」(X12, p. 265, c8-22)

p. 58~59【西有】

有	{	凡情執著之常有	}	雙泯、雙存，同時無礙	自性本具 真善妙有 →西有
		真空妙有(二諦交徹)		四句全超(不墮任一)	
		非空非有(二諦俱泯)		四句全該(包括任一)	
		即空即有(二諦俱存)		圓教有門(全超=全該)	